

Tutu e táxnū San Júdā

Taxnū Júdā ntiusi

¹ Xu'u e Júdā ú ne, ña kade tsiñu iña Jesúcrístú u, ni ēní Santiaú u. Taxnū ú tutú sa'a iña un ntí ntí ña'a, ña e kána Xuva kō tsi dóo kuínima ñá ña, ña é ñū'u nta'a Jesucristu.

² Na ntuntā'ví ini Xuva ko ntō. Na tā'xi ña e dóo va'á koo kuntoo nto nī e dóo kuinima ñá nto.

Ña ntánañē'é dovette (2 Pedro 2:1-17)

³ Ntō'ó ení ko e dóo ntio kó, dōó ntio kó taxnū u tú'un iña nto nté ō nakáku o nta'a Xuva kō. Ntá tsi sá'a kantio ko é kā'án u ni nto ve, tē koó ntii nto nada'an ntō tú'ūn e kuínti'xe nto, ñi'vi tsi tú'un é uun ito tsi xé'e Xuva kō é kūtuni ña ntáduku ntée ña.

⁴ Tsi ío ñá'a e ntáki'vi xu'u ña mi ntánataká nuu ntó, ñi'vi ñá é nte dí'na uve na'a kaká'an tú'un Xuva ko iña ña tsí da mii é nī'i ña é ntō'o ña. Ntáka'an ña tsí da xé kade ka'nu iní Xuva ko ni ko kuētsí kō ne, kuvi vii o da nēé ka nuu i é kīni kaa. Ntáka'an ntée ña Xuva ko nī Tó'o ko Jesūcristu, ntáka'an ña tsí ña te nuu é ntaā i é Xuva ko ñā.

⁵ Ntio ko é na nānu'u ntó iní nto ve, kuān te nte éma tsi ini vá'a nto tsí Xuva kō ne, nākákú ña un ntí ntí ña Israeé san dā nantii ña ña ñuú Egitó ne, ntá tsi da rkontúví nantí'í ña ña'a san, ña é ña ni kuínti'xe i.

⁶ Ío añjé ñi é ña ni de ntáa ña tsiñu ña, tsí xtuví mii ña mí káduku ntée ña. Nátsu'un kutu Xuva ko ñā mi dóo nee un tsi da nté xee ntúvi é xntékú ku've ñá iña ñúxiví sa.

⁷ Kuan ō kúvi nī ña ntoo ñuú Sodomá, ni ñuú Gomorá, ni tūku ñuu é ntoo etsin íkān di. Ñá te da dīi nuu i é kīni ntaa de ñá ni ñadī'í san. Dōo dé ña é kini kaa ni tuku ñatī'í san di. Un vá'a tsi ntánto'o ña ve mí kai'xi ñú'u ntii dañu ntūvi. Koto nto ña vata koo é ña kuan koo víi nto vatā o dé ña.

⁸ Ña kini ntáa san, ña é ntoo ni'i ntō né, kuān ó de ña di, tsí vata tsi tē ñuu éni kān ntoo ña, ntáde ña nī kúñu ñā nuu i é kīni ntáa. Ña ncho kuinti'xe ña Xuva kō ne, ntáka'an kīni ña iña ña ntáde tsiñu e dukún kān.

⁹ Ntá tsi ánje, ña odo nūú san, ñá nani MÍgeé ne, dā ntánāa nuu ña nī tó'ō e ña vá'ā san kuenta iña kúñu Muisee dá xi'i ñá ne, ñá ni kene ini ña é kā'an ña tú'ūn é kini kaa ni ñā, tsí da mii tsī é kākā'an ña: “Xuva ko na tā'xi ña o é ntō'o o”, ka'an ña.

¹⁰ Ntá tsi ña sá'á ne, dōó kinī ntáka'an ña iña un ntí'í nuu i é ña ini ña. Ntá tsi nuu i é ini kúñu ña, vatā ó ini kiti sán ne, núu i sá'a e ntánakunaa tsí mii ña kúñu ña.

¹¹ ¡Ña ntá'vi de ntu ña kuān ntáa san! Ntáde xení ña ni tā'an ñá vatā o dé Caiín san. Ntáde ña vatā o dé Balaán san, ña é doto tsi íde vata koo é nī'i ñá diu'un. Ntáka'an ntée ña ña odo nūú iña ñá vatā o dé Coreé san ne, kuān koo ni'i ñá doxi'í san di.

¹² Dōó kinī o ntáde ña kuān ntáa san da ntánataká nuu nto é kā'xí dadí'í nto ni tā'an nto da ntáde nto viko é kuinima tá'an kō. Ña sá'á ne, ña te ntákuka'an nuu ña e dōo ku'e ntaído ña é kā'xi mii ña ne, ña te ntáde ña kuenta te xee tá'an é kā'xi ta'an ña. Vata ntáa viko nu'u é ña te kakín daví san, e dá kantavá ni tātśín san, ntáa ña. Vata ntáa utun é ña kakíi kiti i ntáa ña. Vata ntáa utun é xi'í kue'en ne, kitú'un dítsin i ntáa ña di.

¹³ Vata ntáa ntute ñū'u e dōo kaido ntáa ña. Ntaéte xaa ña nuu i é kīni kaa e ntáde ña vatā ó

kaeté xaa ntute ñu'u san tiñu i. Vata ntáa xntivi e ntaíka xaa ntáa ña, é kī'in ña é kuntōo ña mí e dóo nee kue'én san ntii dañu ntūvi.

14 Enoo, i'xá ika Ādaán san é kuvi ū'xe ne, kaka'an ñá naa Xuva ko dá kākā'an ña iña ñá sa'a kídaā: “Iní u tsi vé'xi Xuva ko, nī ñá te da dīi da díi mīil ánje ñā.

15 Xntékú ku'vē ñá iña un ntíi ntíi ña ntántoo ñuxiví sa. Ka'an ña tsí un ntíi ntíi ña é kīni ntáa san ni'i ña é ntō'o ña kuenta iña i é un ntí'í é kīni kaa é edé ña, vatā ó ntio nima kīni ntáa ña. Ní'i ñā é ntō'o ña iña tú'ūn é kīni ntáa é ka'an kīni ña iña Xuva kó dī”, ka'an ña.

16 Ña sāl'á ne, é un ntí'í ntátsi'i kuétsi ña. Ntáka'an ntée ña da nēé ka ntí'i nuu i. Da mii tsí é ntio ña é kāde kueni kini káa ña. Ntáka'an ñá tsi dóo ka'nu ña'a ña. Kaka'an va'á ña ni ñā'a san dá kataan nuu ña.

Nté koo vii ña ntákuinti'xe i san

17 Ntá tsi dīvi nto, tā'an kó e dóo ntio kó, naka'an nto tū'un e ntáka'an pústru Tó'o ko Jesūcristu

18 da ntáka'an ñá ni ntō: “Tē xee ntúvi é doko sa ntí'i ñuxiví sa ne, ki'xi ña ntánarkínteē ñá nuu i é vā'a. Vií ña vatā ó ntio nima kīni ntáa ña”, ka'an ña.

19 Ña sāl'á ne, ntáde ña é nāa núu ña ntákuinti'xe i san ni tā'an ña. Ntáde ña vatā ó ntio nima kīni kaa ña, tsí ña tuvi Espíritū Sántū san nuú nima ña.

20 Ntá tsi dīvi nto, tá'an ko e dóo ntio ko, díi díi ka kutú've nto iña Xuva ko vata koo é díi ka vá koo kuinti'xe nto ña. Kantá'vī ntó vatā ó kaxntii Espíritū Sántū san nto é kā'an nto.

21 Kuinimá ka nto Xuva ko vatā ó kakuinima ñá nto. Kuntetu nto ntuvi dá ta'xi Tó'o ko Jesūcristu é kuntoo o ni ña ntii dañu ntūvi, tsí kantuntā'ví ini ña kō.

²² Na ntu ntā'ví ini nto ña'a, xoo é vāta kuinti'xe vá'a i. Ká'an nto ni ña te kuīnti'xe ña é nuu é ntaā i.

²³ Ío tuku ña'a ne, nakākú nto ña, natavā ntó ña mé'ñū ñu'u. Na ntuntā'ví ini nto ña, kuān té nte ña ncho tñn ntá'a nto dōo ña é kudentu ni nūu i é kīni ntáa e ntáde ña. Koto nto tē ña kuan koo víi nto vatā ó de ña.

Ká'an ō tsi dóo ka'nu Xuva kō

²⁴ Tō'ó kō né, na xntii ña ntō vata koo é ña kó'xo nto nuu i é kīni kaa. Na ntāvá'a ña nima ntó yata koo é ña tuví ka kuétsi nto tē xee ntó nta'a ña. Ná tē nté kaa ka'nu kuinī nto te íni nto ña, é un tsi kaxi'í nuu ka'nu ña.

²⁵ Uun tsi Xuva kō e dóo ki'in inī ña. Dīvi ñā é nakáku ña ko kuēnta iña Tó'o ko Jesūcristu. Ká'an ō tsi dóo va'á ña, tsi dóo ka'nu ña'a ña. Ká'an ō tsí dīvi ñā é odo nuū ñá kade kú've ña, tsí kuvi víi ña é un ntí'í. Kuan ō dé ña nte dí'na ne, kuān ó de ña vevíi dī ne, kuān koo víi ña ntii dañu ntūvi. Kuan tsí koo é kā'án u ni ntō.

Tū'ún xuva kō vatā ó ntáka'an ña ñuú Coatzospan

New Testament in Mixtec, Coatzospan (MX:miz:Mixtec, Coatzospan)

copyright © 2003 Wycliffe Bible Translators, Inc.

Language: Mixtec, Coatzospan

Translation by: Wycliffe Bible Translators, Inc.

Copyright Information

© 2003, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Coatzospan

© 2003, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

8f775598-56d9-56fd-966e-15e054d2f275